

Deporte Local

Pa nan participacion y logro na Special Olympics 2019 - Abu Dhabi

Digicel Group ta felicita e team Special Olympics Aruba



ORANJESTAD (AAN): Special Olympics 2019 na Abu Dhabi a tuma lugar den un manera masha bunita y exitoso. Algo cu Digicel ta sumamente orguyoso di dje y por bisa cu durante e ceremonia di apertura tawata tin mas di 60mil hende den e stadion na e ciudad di Abu Dhabi cu ta muestra e sosten di mundo henter pa Special Olympics.

Dia 14 pa 21 di maart 2019 por a mira 7000 atleta di mas cu 190 pais rond di mundo cu a competi pa trece cas e gloria di nan pais. Aruba a wordo representa den gran forma den e weganan aki di nivel halto. Digicel ta hopi orguyoso di a apoyo continuo cu ta duna na Special Olympics por medio di

donacion nan den efectivo, den apoyo di infraestructura, ayudo cu actividadnan di recaudacion di fondo y mucho mas den tur su mercadonan pa por haci nan participacion posibel.

Lincoln Gomez, Director di Digicel aki na Aruba ta sumamente orguyoso di por a sostene e organisacion di Special Olympics for di e prome dia cu Digicel a habri su portanan riba nos Isla. Nan logro na Abu Dhabi ta un muestra di e dedicacion, pasion y compromiso cu e organisacion, familia y Digicel tin cu tur e atletanan aki. Digicel ta para tras di cada un di e atletanan aki y ta felicita nan mayornan y demas familia cu semper a pusha nan pa sigui bai dilanti.

Como e principal patrocinador di e Special Olympics Team Aruba, Digicel ta felicita e team di Aruba y ta anuncia e resultadonan inspirador pa e team di Aruba.

Trac and field:
Miguel Angel Berry - 100 meter run. **GOLD**
Miguel Angel Berry - Long Jump. **GOLD**
Yolanda Altagracia Perez - Silver Softball Throw. **SILVER**
Jhorzy Arias - Bowling Singles - **SILVER**

Jhorzy Arias - Double Bowling - **GOLD**
Rashely Wester Diaz - Bowling Singles - **SILVER**
Rashely Wester Diaz - Double Bowling - **GOLD**
Mildred Every - Woman Single - **SILVER**
Johny Perez - Badminton - Man Single **BRONZE**.
Football - Group 1 - **GOLD**: E team di football a gana IJsland den finale 1-0 y e hoben Jean Baptiste Woodeneey a sali e goal-getter di e campeonato cu 10 gol den 5 wega hunga.

Bolas- Marileen Angela - 4th (Singles)

Bolas - Eugene Dirks - 5th
E otro 22 paisnan caminda Digicel a sostene atletanan pa Special Olympics ta: Antigua, Barbados, Bermuda, Bonaire, Cayman, Dominica, El Salvador, Fiji, Guyana, Haiti, Jamaica, Nauru, Panama, Papua New Guinea, Samoa, St. Kitts and Nevis, St. Lucia, St. Vincent and the Grenadines, Suriname, Tonga, Trinidad and Tobago y Vanuatu.

Masha pabien na henter e delegacion, y cada un atleta cu a participa. Aruba en general PABIEN cu e resultadonan alentador aki, cu tanto logro pa e atletanan y sigur un experiencia inolvidabel pa nos tur. Digicel Aruba lo keda inverti den e preparacion y ayudo necesario pa Special Olympics Aruba por sigui eherce nan deportenan preferi y den futuro sigui participa y promove nos baranca stima, Aruba.